

Na osnovu člana 16. stav 2. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona”, broj: 7/10), a u skladu sa Programom utroška sredstava planiranih u Budžetu Zeničko-dobojskog kantona za 2022. godinu na poziciji „ Kapitalni transferi drugim nivoima vlasti – za zdravstvo“, broj: 02-11-16291/22 od 03.11.2022. godine, na prijedlog Ministarstva zdravstva, Vlada Zeničko-dobojskog kantona, na 185. sjednici, održanoj dana 15.12.2022. godine, d o n o s i

ODLUKU
o odobravanju sredstava „JU Dom zdravlja sa stacionarom Žepče“
za finansiranje nabavke medicinske opreme

Član 1.
(Predmet)

(1) Odobravaju se sredstva JU „Dom zdravlja sa stacionarom Žepče“ u ukupnom iznosu od 75.155,00 KM (slovima: sedamdesetpethiljadaistotinupedesetpet konvertibilnih maraka) za nabavku medicinske opreme.

(2) Odobrena sredstva odnose se na sljedeće:

a) dodatna sredstva za finansiranje nabavke aparata za biohemijske laboratorijske analize,

b) finansiranje nabavke stomatološke stolice u područnoj ambulanti u Ozimici.

(3) Obavezuje se JU „Dom zdravlja sa stacionarom Žepče“ da za nabavku medicinske opreme provede postupak javne nabavke u skladu sa Zakonom o javnim nabavkama i podzakonskim aktima koji su doneseni u skladu sa zakonom.

Član 2.
(Analitička konta)

(1) Sredstva iz člana 1. ove odluke isplatit će se iz Budžeta Zeničko-dobojskog kantona za 2022. godinu („Službene novine Zeničko-dobojskog kantona”, broj: 1/22 i 14/22) sa razdjela 21 - Ministarstvo zdravstva, budžetska organizacija 01, potrošačka jedinica 0001, ekonomski kod 615100, pozicija „Kapitalni transferi drugim nivoima vlasti - za zdravstvo”.

(2) Sredstva iz člana 1. ove odluke će se transferisati na žiro-račun JU „Dom zdravlja sa stacionarom Žepče“ broj: 3383102200025004 otvoren kod UniCredit banke, po donošenju Odluke.

Član 3.
(Provođenje Odluke)

Za provođenje ove odluke zadužuju se Ministarstvo zdravstva, Ministarstvo finansija i JU „Dom zdravlja sa stacionarom Žepče“, svako u okviru svoje nadležnosti.

Član 4.
(Izvještavanje)

(1) JU „Dom zdravlja sa stacionarom Žepče“ dužna je izvijestiti Ministarstvo zdravstva o namjenskom utrošku sredstava do 31.03.2023. godine, dostavljanjem ugovora, faktura i dokaza o uplati sredstava dobavljaču.

(2) U slučaju nepostupanja prema članu 4. stav (1) ove odluke JU „Dom zdravlja sa stacionarom Žepče“ je dužna odobrena sredstva uplatiti u korist Budžeta Zeničko-dobojskog kantona.

Član 5.
(Stupanje na snagu)

Odluka stupa na snagu danom donošenja i bit će objavljena u „Službenim novinama Zeničko-dobojskog kantona“.

Broj: 02-11-18574/22

Datum, 15.12.2022. godine

Z e n i c a

PREMIJER

Mirnes Bašić

DOSTAVLJENO:

1x Ministarstvo zdravstva,

1x Ministarstvo finansija,

1x JU „Dom zdravlja sa stacionarom Žepče“, putem Ministarstva,

1x „Službene novine Zeničko-dobojskog kantona“,

1x a/a.